



Inatsisartunut ilaasortaq Randi Vestergaard Evaldsen, Demokraatit

KNI-ip aggulunneqarnissaa pillugu § 37 naapertorlugu apeqqummut 127-imut akissuteqaat

20-04-2017
Sags nr. 2017 - 8054

KNI-ip aggulunneqarnissaa pillugu Inatsisartut suleriaasianni § 37 imm. 1 naapertorlugu Naalakkersuisunut apeqquaqarputit. Apeqqutit suliaasaqarfinni akissuteqarfigineqar-tussatut innersuunneqarput.

Postboks 1601
3900 Nuuk
Tlf. (+299) 34 50 00
Fax (+299) 32 56 00
E-mail: isiin@nanoq.gl
www.nanoq.gl

Apeqquut 1. Qanoq ilillutik Naalakkersuisut paasivaat KNI-p atuisut 407,8 millioner koruuninik aningaasartuuteqartissimagai soorlumi Inuussutissarsiornermut, Suliffeqarnermut, Niuernermut Nukissiuutinut kiisalu Nunanut Allanut tunngasunut Naalakkersuisoq taama oqarpoq UKA 2016-mi Inatsisartut immikkoortoq 113 oqaluuserimmassuk?

Akissut:

Inatsisartut ukiaanerani ataatsimiinnerisa nalaanni KNI A/S pillugu Inatsisartut peqqussutaata allanngortinneqarnissaa pillugu Inatsisartut inatsisissaattut siunnersuutip Inatsisartuni pingajussaanneeraneqarnissaamut, upernaamut kinguartinneqartumut, akissuteqaammi agguanneqarsimasumi ima allassimasoqarpoq:

"Piffissami matumani KNI-mit akinut aningaasallu nalinginut qularnaveeqquisiarnerit ingerlatseqatigiiffik ataatsimut 407,8 mio. kr.-inik annaasaqartissimavaat, pisussaaffiit tamaasa ingerlaannaq piviusunngortinneqassagaluarpata. Tamanna KNI-p ukiumoortumik naatsorsuutaani 31. marts 2016-imeersumi ersippoq."

Pisussaaffiit tamarmik ingerlaannaq piviusunngortinneqassappata 407,8 mio. koruunit annaaneqarsimasut pineqartoq, assortorneqarsinnaanngilaq. 2015 – 2016-imut ukiumoortumik nalunaarusiami ullormi oqimaaqatigiissitsiviusumi qularnaveeqquisiarnerit nalingi, nammineq aningaasaatit appartinnerattut, KNI-p naatsorsuutini allassimammagit, tamatumunnga naapertuuppoq.

Apeqquut 2. KNI isumaqarpoq inerniliineq kukkunerusoq Naalakkersuisut oqarmata KNI-p atuisartut 407,8 millioner koruuninik aningaasartuuteqartissimagai. KNI tunngavilersuutimini ilaatigut oqarpoq akinut aningaasallu nalinginut qularnaveeqquisiarnerup nalingi 31. marts 2016 -miilli 212 millioner koruuninik pitsanngoriarsimasut. Naalakkersuisut tamanna qanoq isumaqarfigaat aamma Naalakkersuisut tamatumunnga atatillugu aalajangiusimaniarpaat ilumut KNI-p atuisartut 407,8 millioner koruuninik aningaasartuuteqartissimagai?

Akissut:

Inussiarnersumik takuuk matuma siuliani apeqqummut 1-imut akissuteqaat. KNI-p naatsorsuusiorfimmi tamatuma kingulianiittumi pitsaanerumik

angusaqarsimanerani, KNI-p oqimaaqatigiissitsinermi 407 mio. koruunit missaat amigartoorutitut nammineerluni ilanngussimammagit, aammalu KNI-p nammineq aningaasaataasa qularnaveeqqusiinerit amigartoorutaasunik taakkuninnga annikillisinneqarsimanerat, allanngunngillat.

Apeqquut 3. KNI -p uppernarsarnikuuaa, immikkoortoq 113 aqutigalugu KNI-mik Naalackersuisut aggluiniarneranut nalornisitsineq ingerlatseqatigiiffimmut aningaasartuutaareersimasoq ilaatigut taarsigassarsititsisartunik/aningaaserivinnik ajornerusunik isumaqatigiissuteqartariaqartarsimaneq pissutigalugu. Naalackersuisut tamatumunnga qanoq oqaasissaqarpat?

Akissut:

Inatsimmi aggluinissamik periarfissaqarnerup atorneqarneranut atasumik aalajangersimasumik annaasaqarsimaneq KNI-p uppernarsarsimaneraa Naalackersuisut ilisimangilaat. Naalackersuisut isumaqarput ingerlatseqatigiiffiup akiitsorsinnaassuseqarnera Namminersorlutik Oqartussat ingerlatseqatigiiffimmi kisimiillutik piginnittuunerannut annertuumik attuumassuteqartoq.

Apeqquut 4. Deloittep KNI-mi ingerlatsinerup ersarissusaanut misissuineramik suliaqarnikuvoq. KNI-p Aningaasaqarnermut Ataatsimiititaliamut nalunaarutigaa, tamanna Naalackersuisunut tunniunneqarsimasoq 2015-mi januaarimi tassa inatsisissamut siunnersuutip saqqummiunnissaa ukiup aappaa avillugu sioqqullugu. Tassani inernilunneqarpoq Polaroilimiit Pilersuisumut tapiiffigineqarnej ajortoq. Polaroilip sinneqartoorutigisartagai Polaroilimi aningaasaliissutitut atorneqartarput Namminersorlutik Oqartussanullu agguagarsiatut. Naalackersuisut taamatut inerniliineq akuerivaat aamma taamaassimappat sunarpiaq pissutaava KNI-mik aggluiniarnermut?

Akissut:

Ingerlatsinerup ersarissusaanut misissueqqissaarnej taaneqartoq Naalackersuisut ilisimavaa, aammalu Naalackersuisut tassunga oqaaseqaatissaqanngillat. Kisiannili Naalackersuisut isumaqarput, tapersiivigeqatigiissitsisarnerup pisannginnissaanut aggluineq kisimi allanngortitassaangitsumik qularnaarisinnaassasoq.

Aggluinissaq isummerfigineqanngilaq. Taamaattoqassappat, inatsisissatut siunnersuummi nassuiaatit naapertorlugit iluaqutissartaasunik ajoqutissartaasunillu aningaasaqarnikkut misissueqqissaarnermik aalajangersimasumik ingerlatsisoqqaartussaavoq.

Apeqquut 5. Naalackersuisut KNI-p agglunnissaanut pisinnaatitsissummut tunngavilersuutitut atorpaat takujuminartuunissaq ersersinniarlugu taakku suliffeqarfiit tamarmik immikkut aningaasaliissutissanik, agguagarsititsinissaminnut il.il. qanoq periarfissaqarnerisut. KNI-p Aningaasaqarnermut Ataatsimiititaliamut nalunaarutigaa, ingerlatseqatigiiffiup aningaasarsiornej pillugu misissuineq Naalackersuisunut 2015-mi maajimi tunniussimagaat tassa inatsisissatut siunnersuutip tamanut saqqummiunneqarnissaa ukiumik ataatsimik sioqqullugu. Misissuineq taanna 1. januaari 2017 aallarnerfigalugu Pilersuisup Polaroililu kiffartuussinissaat pillugu isumaqatigiissuteqarfigineqarmata tunngavittut atorneqarpoq. Isumaqatigiissutini taakkunani Pilersuisup Polaroilillu

aningaasaliisarnissaat agguagarsititsarnissaallu erseqqilluinnartumik nassuiarneqarpoq. Tamanna Naalackersuisut akueraat aamma taamaassimappat sunarpiaq pissutaava KNI-mik aggluiniarnermut?

Akissut:

Inussiarnersumik takuuk matuma siuliani apeqqummut 4-imut akissuteqaat.

Apeqqut 6. KNI-mik aggluinissamut pisinnaatitsissummik Naalackersuisut tunniussinermittut Naalackersuisut tunngavilersuutigaa maannakkut nukissiutinik ingerlatsivimmi ingerlatsinerup aqutsinerullu nakkutigeqqissaartariaqarnerat. KNI-p Aningaasaqarnermut Ataatsimiititaliamut nalunaarutigaa, ingerlatseqatigiiffimmi ukiuni arlalinni Aningaasaqarnermut politikiminni allaaserisarsimallugu sinaakkutit sorliit atorlugit uulia, USD, cracks aamma erniat sillimaserneqartassanersut. Aamma tassani allaaserineqartarpoq aqqissuussinikkut sinaakkutissaq, qularnaarniarlugu siulersuisuni aalajangersarneqartut sinaakkutissat KNI-mi qullersanit malinneqartarnissaat. 2015-mi ukiakkut, tassa inatsisissatut siunnersuutip tamanut saqqummiunneqarnera ukiup affaanik sioqqullugu siulersuisut Aningaasaqarnermut politikki Naalackersuisunut tunniuppaat kaammattorlugillu sillimasiinissat pillugit aalajangiinissanut akooqqullugit. Tamanna maannakkut Polaroil pillugu kiffartuussinissamut isumaqatigiissummut ilanngunneqarnikuuvoq siunertaralugu Naalackersuisut qularnaveeqqusiinermut pilersaarummut akuerseqqaarnissaat atortussanngortinneqannginnerani. Tamanna Naalackersuisut akueraat aamma taamaassimappat sunarpiaq pissutaava KNI-mik aggluiniarnermut?

Akissut:

Kiffartuussinissamut isumaqatigiisutit maannakkut atuuttut aalajangersakkanik KNI-p qularnaveeqqusiinermut periusissiaminik Naalackersuisunit akuersissuteqarfigititarnissamut pisussaaffeqarneranik imaqartut eqqorpoq. Naalackersuisut tassunga atatillugu aalajangerput, siunissami siumut qaammatit 12-it taamaallaat qularnaveeqqusiisoqartassasoq.

Apeqqut 7. Naalackersuisut isumaqarpat atuisartut uuliap akianik minnerusumik qularnaarussunneqarsinnaasut KNI agglunneqassappat? Akissut iluamik tunngavilersoqquneqarpoq naatsorsuutinik tunngavilersuutinillu ilallugu, takutillugu, uuliamut atuisartut akiliutaat apparumaartut KNI-p agglunneqarnera toqqaannartumik pissutaalluni.

Akissut:

Pingaarnertigut isigalugu siunissami ungasissumi kalaallinut atuisunut niuerfimmi akigititanit akikinnerusumik uuliap akeqartinnissaanik Naalackersuisut KNI-p imaluunniit allat qularnaveeqqusiinnaanngillat. Naalackersuisut isumaqarput KNI-p qularnaveeqqusiinernik ingerlatsisarnera inuiaqatigiinnut naleqqutinngitsumik annertussuseqarsimasoq.

Apeqqut 8. Sunarpiaq pissutaava Naalackersuisut Inatsisartut oqaluuserisassaannik 113-mik tunuartitsisimanninnerannut, pingajussaaneerinerummi atatillugu isumaliutissiissutit erseqqissumik takutippaa, siunnersuut amerlanerussuteqartunit akuerineqarsimanngitsoq?

Akissut:

Naalackersuisut isumaqarput, Kalaallit Nunaanni uuliamik eqqussuinerup ingerlatsinikkut aqunneqarnerani pisariaqartumik eqaassuseqartitsinissamik qulakkeerisinnaasumik, agguluinissamut periarfissaqartitsinissaq naleqqutissanngitsoq.

Inussiarnersumik inuulluaqqusillunga



Vittus Qajaqkitsoq